



GOBIERNO DE
MÉXICO

EDUCACIÓN
SECRETARÍA DE EDUCACIÓN PÚBLICA



Dirección Académica

Pewa nitaihkuiluwa wa nitaixmati pa nunawa tahtu Zaragoza

Empiezo a leer y escribir en mi lengua.
Nahua del Sur Zaragoza

MIBES 1

Taihkuiluh yeh gihlia tetaliliani gen muchiwa

Instructivo del aplicador

Iskahtihma'xtilis 1 wa 2

Formativa 1 y 2

**MEVyT IB BE1F1.16.11.1
MEVyT IB BE1F2.16.11.1**

Taihkuiluh yeh gihlia tetaliliani gen muchiwa

Yi taihkuiluh yeh gihlia tetaliliani muchih mupah, ga tia ti'taliti gen unu' iskahtihma'xtoris 1 wa 2 pah tu ama' *Pewa nitaihkuiluwa wa nitaixmati pa nunawa tahtuh Zaragoza*. MIBES 1 pah MEVyt Indígena Bilingüe. Iskahtihma'xtoris 1, mutalia kua' ma'xtianimih tamighya gima'xtihkoh Nextoris 2, wa iskahtihma'xtoris 2 mutalia kua' ma'xtianimih tamighya gima'xtihkoh Nextoris 4 pa Ama' ga mumaxtiá. Xigehlamigi ga yi iskahtihma'xtoris gichiwa **sese ma'xtianimih**.

Ginegi xi'ye'tahtuhti tepe' yi taihkuiluh yeh teihlia gen muchiwa a'xtu ga ti'taliti, ga tepe' xi'nawahti mumaxtianimih yeh gitanangilitih yi iskahtihma'xtoris.

Xi'chiwa yeh wi's:

a) A'xtu ga ti'talia

- Xi'tahtanili a'xtu tegiwahma'xtiani, 4 amachichi pah iskahtihma'xtoris gen: taihkuiluh yeh gihlia tetaliliani gen muchiwa, ama'ye' gihtuwa gen wen ti'talilia se pualis tu ma'xtianimih, iskahtihma'xtoris wa amachini yeh techihlia te tahtuh tepe' gama gihkuilu.
- Yi amamih tia ti'tahtaniliti tama'xtiani yeh asi pa tanechiguh gan sen unugih seyu'tama'xtianimih.
- Xi'ye'ta'wa gen unu' iskahtihma'xtoris yeh tia ti'taliti wa xitanangili, ga xigita teihki mi'stzakuoris ga amu tepe' xi'chiwa kua' nemi mutalia, gen, ga ti'mati ga gen muchiwa, se tahtuh yeh aya' tigixmati u yeh aya' mixmati, kua' aya' tepe' nesi ixfupinxaya'mih, wa seyu'mih.

ch) Kua' nemi mutalia

- Xigaxihti ituga ma'xtiani pa kuachini gan ate pa iskahtihma'xtilis.
- Xighli ma'xtianimih ga iskahtihma'xtilis mutalia ga ma muta dah gixasigi yeh gimaxtihki pa iyama'. Nusa xigininli ga yi iskahtihma'xtilis te'xnextiliti dah unu' tegipanulismih yeh gipia ga ti ta'wati seyu'pia ye aya'tigixasigi wa ku ma tigasiga yeh ginegi yi tu ama'.
- Xiginextili iskahtihma'xtilis ma'xtianimih wa xigininli ga weh mi'stahtatania gan aya' gixasi se tahtanilis.
- Xi'palewi ma'xtianimih, xitatapu iwa, tahtuhmih gan gihtuwa gen tanangilitih, xi'tatapu taihkuiluh gama gigagi wa xitahtuhti gexki ginegis deh gan maxtiani tami tanangilia iskahtihma'xtilis. Xi'ta'wa ga ne gimatih teihki gichiwatih gen tanechigulis, ihkuiluh, tawasanih, wa seyu'mih, wa dah aya' ku, xi'palewi gan aya' gimatih, amu xi'chiwili.
- Xi'maga sese iskahtihma'xtilis ma'xtianimih ga yehwamih ma tanangiliga isehti.
- Xighli ma gitatuhti tepa' sese tahtanilis wa ma tanangili wa tepa' ihkuiluh wa ma gichiwa wa kuachini yeh taihkuiluwa ga ma weliti gipuhpuwa, dah ku ginegi.
- Dah ma'xtiani aya' gimatih kua' nemi gichiwa iskahtihma'xtilis, xi'palewi ga ma gixmati tepa' gen muchiwa.

e) Kua' tami mutualia

- Kua' tami talilis, xigindasuhkamaga ga mu tahpahtihkih ga gichihkih.
- Xi'ta'wa gen gisa' iskahtihma'xtoris wa ximupalewi pa ama'yeh gihtuwa gen wen ti'talilia se pualis tu ma'xtianimih.

Taixmatilis wa tamatilis taihkuiluh yeh teihlia gen muchiwa talilis, mi's palewiti ga tepa' xi'tali iskahtihma'xtoris pah mu ma'xtianimih.

**Ni tami yi taihkuiluh yeh gihlia tetaliliani
gen muchiwa iskahtihma'xtoris**

Fin del instructivo del aplicador
para la evaluación formativa